

25 IANUARIE RUGĂCIUNEA SF.CUVIOS ANATOLIE I ZERTALOV DE LA OPTINA

Месяца января в 25-й день

Молитва Преподобного Анатолія Оптинскаго, Старшаго

О, преподобне отче Анатолие, дивный старче Оптинский! Предстояще раце мощей твоих (пред образом твоим святым), воспоминаем дивное твое житие и подвиги, во славу Господа нашего Иисуса Христа подъятыя. Ты, от юности красоту мира сего презрев, возжелал еси Богу усердно послужити и, от родителей телесную доброту унаследовав, паче украшался еси души благолепием, еже в терпении стяжати подобает. Ты, от двоих старцев, блаженнаго Макария и пречуднаго Амвросия, воспитанный, старец духоносный соделался еси, яко и богомудрый святитель Игнатий о тебе удивляшеся.

О, старче дивный! Ты, молитвою непрестанною выну со Христом пребывая, великую благодать стяжал еси, темже и многая чада, путь узкий и прискорбный избравше, радостно вслед тебе течаху, к Востоку востоков приближающиеся. Мы же, словесы твоими наставляеми и молитвами твоими ограждаеми, со умилением зовем ти: не остави нас, скорбьми обуреваемых, грехи многими обремененных, от

лукаваго врага смущаемых, но помози подвигом добрым подвизаться, веру соблюсти и Света Небеснаго достигнути, да достойно восприимем вся от Господа уготованная и вкупе с тобою зеркалом разрешшимся чисте узрим Бога нашего в Троице славимаго, Отца и Сына и Святаго Духа, во Царствии Его. **Аминь.**

[Священный Синод на заседании 16-17 июля 2020 года (журнал № 34) утвердил к общецерковному богослужебному употреблению текст службы преподобному Анатолию Оптинскому старшему]

